

Instrukcii vaš aplikaciako formularo vaš le instrukcii katar ki dajaki čhib

## Vaš naturalno čhiba haj instrukcii katar ki dajaki čhib

Instrukcii katar ki dajaki čhib si volontersko haj bilovengo predmeto ani škola kova siklyarol pe avral katar školake obligatorno časura kolende den pe notura. Instrukcii katar ki dajaki čhib šajisarde si ke anglal školake klasura, primarno škole vaše džene specialno trubujutnipansa, majuče maškarune škole haj majuče maškarune škole vaše džene specialno trubujuntipansa.

Ko haljovipen le Akto vaš Publiki Edukacija, o Språkcentrum Mölnåls šajisarel instrukcii katar ki dajaki čhib le sikelnge kolen

- si majcera jek arakhutno/gardijani savo čerol vorba pi leski naturalno čhib
- i čhib vačarol pe pi djiveseski komunikacija khere
- si bazikano džanipe katar ki čhib.

Le sikle save preperen ko nacionalno minoritetenge grupi, či rodel pe i čhib te koristil pe katar o siklo ki leski diveski edukacija khere ja le sikle si le bazikanodžanipe katar ki čhib.<sup>1</sup> Le adoptuime čhavage šajisarel pe edukacija pi čhib savi si verver katar Švediaki te si len bazikano džanipe tari čhib savake vorbisarol pe, numa akaja čhib te či vorbisardas pes khere. Akala buča aplicirin pes haj le tikneberšalenge paš kaste naj khonik.

Le sikamne katar naturalno čhib, ki konsultacija le direktorsa, trubun te determinirinen le sikle si li bazikano džanipe tari lipardi čhib ja ka oven haj naj te oven leipa o hakaja vaš le anglal kondicije te resen le ciljura katar kurikula/siklana katar o predmeto Instrukcii pi dajaki čhib.

Majcera panč sikle musaj te mangel te educirin pes katar ki jekajek čhib či te šaj te organizirin pe instrukcije katar ki dajaki čhib ani lengi komuna, naj saičerimansa katar če minoritetenge čhiba. Či te keren pes grupe taro majcera panč sikle, khetaneske klasura si čhuvde barabar le siklesa katar verver škole haj verver berša. Instrukcii katar ki dajaki čhib šaj te oven inicirime te si šajutno te arakhel pe kompatibilno sikamno.

## Importantno informacija vaš le aplikantura

- Le sikle te si duj arakhutne/gardijanura, le signature ka roden pes katar le soduj gardijanura kana si šajsardo.
- I aplikacija si obligatorno haj o džaipen ka ovel evidentirisardo po jekajek drom sar le verver predmetura. Pobutfar biavimata kolen naj hakjaripen kana but far jek pal ververeste či džal pes, ka rezultirin cidljarmasa.
- Le neve aplikacije si procesirime ki vrama taro kurso ano aktuelno školako berš haj le siklengen šaj te den pe thana ko grupe so si kerdine, te si šajsardo.
- Le instrukcii katar le dajaki čhib si šajisarde numaj ki jek čhib jekhe sikleske.
- O ikalipe katar le časura si kerdino skrinimaske dromesa le ulavde formularesa vaš kodo. Te si duj arakhutne/gardijanura, trubun le signature katar le soduj.

<sup>1</sup> Si ki relacia le Finlandake, Jaudikane, Meänkieli, Romane Čhibake haj Sami Čhibake